


1613\_058.jpg



1613\_059.jpg

*Seconde Continuation.*

59


Vne fille à cheual, vestuë d'vne gaze d'or rouge, tenant vn cœur en sa main : deux autres filles à ses costez, l'vne vestuë de gaze d'or bleu, & l'autre de gaze d'argent. Des Trompettes : Des Tambours d'airain : Trois Escuyers vestus de gaze d'argent & bleu, Celuy de costé droict portoit vn Soleil, & le gauche vn Iris. Puis suivoient les Cheualiers de l'Empereur ayans leurs vestemens en Anciens Romains, & leurs chevaux tres richement caparaçonnez. Apres eux estoient nombre d'Escuyers avec lances peintes.

II. La seconde troupe estoit celle des Archiducs. Les couleurs estoient de blanc & verd. Deux Vierges montees, l'vne sur vn Elephant, l'autre sur vn Crocodile : Plusieurs personnes masquées : Six trompettes : Les Archiducs avec la lance, ayans aussi leurs vestemens d'vne façon à l'antique, la coiffure de toile d'argent, les pernaches verds, & leurs chevaux caparaçonnez des mesmes couleurs : Deux filles, l'vne vestuë de gaze verte, tenant vn ancre d'argent : l'autre de gaze d'argent tenant vne bague d'or. Dix Estafiers, & trente Escuyers tenans chacun vne lance peinte.

III. La troisieme estoit le Marquis de Megav, avec six Cavaliers ayans l'armet en teste, la lance en main. Les couleurs estoient de bleu, blanc & incarnat.

III. La quatrieme estoit le Baron de Chenehuller, lequel faisoit cheminer devant luy vne Machine en forme de theatre, sur lequel

1613\_060.jpg




60 *M. DC. XIII.*  
estoit vn Mercure & quantité de Musiciens  
assis: Et au milieu vne Venus, & vn Cupidon  
auec son carquois, ayans à leurs costez trois  
beaux ieunes villageois, & trois belles ieunes  
villageoises tous nuds. Apres ceste Machine sui-  
uoient six Cheualiers, auec la lance. Leurs cou-  
leurs estoient de verd & incarnat.

V. La cinquiesme estoit le Comte de Harat.  
Vne troupe de Musiciens. Vn char faict cōme  
vne Baleine trainé par deux Licornes, dans le-  
quel estoit aussi vne Venus, & vn Cupidon te-  
nant vn dard, son carquois au col: Au milieu  
du Char estoit vn grand arbre verd, & vne belle  
fille ayant ses cheueux esparpillez sur les espau-  
les. Quatre Cheualiers. Leurs couleurs estoiet  
de blanc & iaune doré.

VI. Les Seigneurs de Hoyes menoient la  
sixiesme troupe. La Machine estoit, vn Mont-  
Parnasse, auec le Pegase au haut, & la fonteine.  
Au pied & au deuât du mont estoient des hauts-  
bois, des Musiciens, & vn Mercure au milieu  
de plusieurs filles assises. Au derriere du mont  
estoit aussi, Vne fille assise vestuë de toile d'ar-  
gent, ayant sur sa teste vne Lune, & proche  
d'elle trois grands chiens noirs, lesquels au  
lieu d'abbayer chantoient auec elle, & res-  
pondoient aux Musiciens de deuant. Apres  
ceste machine venoient six Estaffiers, puis les  
deux Seigneurs de Hoyes vestus aussi à l'anciēne  
Romaine, ayans chacun vne couronne de lau-  
rier sur la teste.

VII. Le Comte de Losenstein auoit la con-

1613\_061.jpg



*Seconde Continuation.*

61

estoit de la septiesme; ils estoient tous vestus de satin verd, & en chasseurs. Leurs chiens devant eux, & plusieurs veneurs sonnans de leurs trompes.

VIII. Le Comte de Trautmansdorf; Ses courons estoient de bleu & rouge: Sa machine, vn char de triomphe, tiré par deux Licornes, sur lequel estoit vn Mercure avec vn Sceptre: Et vn arbre contre lequel estoit assis vn Victorieux tenant vn vaisseau d'or. Deux filles estans à cheval; l'vne portant vn Pelican, & l'autre vn Soleil, alloient deuant plusieurs Captifs de toutes nations, que le Cheualier de la Victoire faisoit mener deuant luy avec ses Estaffiers & plusieurs beaux chevaux.

IX. Le Baron de Herbestein menoit la neuuesime troupe. Sa machine estoit artificieusement faicte en Galere, à la prouë de laquelle y auoit vn enfant ayant ses vestemens verds, tenant vn ancre d'argent. Et en la poupe vne fille route nuë tenât d'vne main les cordes des voiles, & de l'autre le gouuernail. Au milieu de la galere estoit le Baron de Herbestein, armé à l'antique tenant vn bouclier, & prez de luy vn cheval volant, vn vieillard, & deux bergers. Ses estaffiers menoit apres six chevaux en main, armés des lances.

X. La dixiesime troupe estoit vne machine faicte en ciel clos de tous costez: laquelle estant entre au camp, & deuant les Iuges, s'ouurit. Aussi fut parut dans ce ciel Iupiter avec des Nymphes chantans diuers airs à la louange de leurs

**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**